

Fortsetzung von Seite 3

Is Annl is vor Schrack unner Träne un viel Geschrei mit den Wogn ehamgerannt, su schnell se ihre Baa trogn kunntn. Ihr Mutter is ball nimmer wurn! „Dar gute Kuchn! Wos söll nu warn? Dar, den des Pfaar gehert muss den Kuchn drsetzn! Des war doch bestimmt aa noch in Em sei Pfaar salber?“ Also sei se nauf zen Seidel-Bäck un tatn ieber sei Pfaar schimpfn un ar müsst in neie Kuchn backn! Dr Em tat siech des aahern un saat: „Des war net mei Pfaar, des war garantiert mein Bruder seins!“ „Ganz egal!“ saat de Hahne, „A neier Kuchn muss har!“ „Tja, iech kaa eich schu in Kuchn backn, aber när in Reiwäsch, ganz in aafachn mit Hefe, un ganz un gar uhne Eier! Su leid mir des tut, meh ka iech eich net gabn.“ Zähknirschnd nahm de Hahn-Mutter des zr Kenntnis. Des Hauptsach war, des se ieberhaupt noch ewos for ihrn Besuch hiestelln konnt. Zr Anne saat dr Seidel-Em noch: „Ne Maadl, des war schu gemein vun den Pfar!“

Bis zr nächstn Geschicht

Eier Schmidt



Foto: P. Müller

FAHRDIENST nach der Kremserfahrt

Wer nach dem Besuch im „Feldschlössl“ heim gefahren werden möchte, meldet sich bitte am Abend im Feldschlössl bei Uta Schmidt



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Fax 037752 / 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 87054000 389 220 7258
BIC: WELADED1STB


Unner Blatt`l



Nummer
125

Mitteilungsblatt des
Erzgebirgischen Heimatvereines Eibenstock

August
2015



Dr Annita ihr Prachtstickl!

Foto: G. Schmidt

Unner Haamit

von Max Schreyer
- Schöpfer des Liedes vom „Vogelbeerbaum“ -

*In Gebirg, do is gemietlich.
In Gebirg gibt's kaane Not,
sei de Menschen alle friedlich
uhne falsch, vun altn Schrut,
hänge trei an altn Waasn
ihrer Haamit frischgemut,
wie 's vürzeitn is gewaasn -
In Gebirg, do labt sich 's gut!*

*Of den Barg un den Waldern
weht de Luft su lecht un klar.
In den Wiesn, in den Faldern
stinne Blümle wunnerbar,
die is Menschenharz drfreie -
weiß un galbe, blau un rut,
blühe alle Gahr of's neie.
In Gebirg, do labt sich 's gut.*

*Willst de Ruh un Friedn finden,
brauchst de nár in Wald ze geh.
In des Waldes stillen Gründen
kaste Gottes Wort vorstich.
Wenn de Fichtn haamlich rauschn
un des Bachel murmln tut,
kast de Vögele belauschn.
In Gebirg, do labt sich 's gut.*



Fotos: Schmidt/Georgi



*Un in Wald gibts Beer un Schwamme,
gruße un klaane vielerlaa.
Stimmt de Zipp su wunnersame
Liedle mit dr Amsel aa.
Flüstert still de muntre Quelle
in dr Tanne freier Hut,
härachte garne zu e Weile:
In Gebirg, do labt sich 's gut.*

*Hirsch un Rehe, Füchs un Hosn
huschn durch den weitr Wald.
Bei dr Gochd de Hörner Blossn
un des Gacherbüchsl knallt.
Sinkt an Obnd de liebe Sonne,
stieht dr Wald in haller Glut
mit dr Flur in voller Wonne:
In Gebirg, do labt sich 's gut.*

Wir gratulieren unseren Heimatfreunden

Heinz Jacob	am 02.08.	zum 81. Geburtstag
Karin Bauer	am 02.08.	zum 59. Geburtstag
Sigrid Schlesiger	am 05.08.	zum 60. Geburtstag
Günter Gebauer	am 06.08.	zum 79. Geburtstag
Eveline Büttner	am 11.08.	zum 65. Geburtstag
Heinz Büttner	am 18.08.	zum 66. Geburtstag
Ramona Limpert	am 21.08.	zum 58. Geburtstag
Eva Gebauer	am 22.08.	zum 77. Geburtstag
Gabriele Bonstein	am 28.08.	zum 67. Geburtstag
Christine Winter	am 30.08.	zum 70. Geburtstag

Mir sei mit de Pfarle un 4 Wägn unnerwags
am Donnerstag, 06.08.2015
+++ Rund um ne Gerstnberg +++

Zustiegsmöglichkeiten:

- 15.50 Museum
- 16.00 Norma-Parkplatz
- 16.10 Platz des Friedens



Für die Kremser Teilnehmer:
Bitte die Speisen vorweg auswählen!
Außer Gyros und Fitnessröllchen
ist alles zu haben!

Während der Fahrt erfolgt dann die Meldung
an unseren Feldschlüsselwirt

Auf de Kremser werd Bier (helles), Wasser, Sekt un a paar Bemme sei.
Wer noch a wos annersch trink`n will, muss siech dos selber mieltbrenge!


Fahrt
zur



**Achtung ! Neuer Termin:
Sonntag, 13. September 2015**

Abfahrt voraussichtlich ca. 9.00 Uhr

Wer diesen Termin nicht wahrnehmen kann, bitte melden !!!!!



*August
der Erntemond
Wie ihn die Häusler nennen,
Die gerne er belohnt
Mit vollen Scheun'n und Tennen.*

*Wenn reif die Ähren wogen
In Hundstags Sonnenglut,
Dann fällt der Sense Bogen
Das goldne, teure Gut.*

*In rauhe Bergesgegend
Bringt er oft harte Not.
Wenn arm sein Erntesegen,
Ist karg das täglich Brot.*

Quelle: Jahreskalenderalender: Hans Weiß-Aue Grafiker und Kunstmaler

Wie aus nern gutn Schlachaschkuchn e Reiwasch werd

Die Geschichte hat mir fei de Baumgarten, Annemarie aus dr Schulstroß vor Kurzn mol drzählt – iech tu se halt itze ewng aufschreibn:


In dare Geschichte, die wirklich wahr is – giehts üm de Hahn-Familie vun Sonneck. Ganz zeerscht muss iech do ewng in dr Eimstocker Geschichte rümharstiern: Wars net was: De Siedling an Sonneck is Aafang dr 30er Gahrn gebaut wurn. Do ham alle, die do hintn emol wuhne wollten, zamgegriffn un noochenanner jeds Haus gebaut, uhne dess se wußtn, in wos for aans se später eizieh kenne. Des is e Ding, des wollt iech am Aafang gar net su racht glabn! Jeder hat jedn sei Haus mit gebaut! Suwos hatts domols also gabn!



Un aane vu den Familien warn halt de Hahn`s. Die hattn e paar Kinner, e paar is gut, des warn fei insgesamt achte! Den Enn hab iech besonnersch gut gekannt, des war nämlich dr Hahn, Kurt, unner Musiker vu unnerer Eimstocker Kapell, dr ETR. Nu einglich hat ar ja Geich in Auer Sinfonieorchester gespielt un wenn ar dortn fertich war, kamer ze uns naufn Tanzsaal un hat do e wunnerbars Saxophon un aa sei Klarenettl geblosn. Aber des nár naabnbei, dodrmit ihr wißt,

um wens hier gieht. In dare Dorzählung spielt aber sei große Schwaster, de Anne, de Hauptroll. Die muss zu dare Zeit ugefah 10 Gahr alt gewaasn sei. Mitte dr 30er Gahr, wu alle in ihre Haiser eigezugn warn, hat siech auf Pffingstn Besuch aagekindicht. De Mutter Hahn hat allis zamgetrogn, wos se su drkaafn oder salberscht hattn un wollt in gutn Schlachaschkuchn mit gutn Eiern un Butter bein richtschn Bäck – also bein Seidel-Emil - backn lessn. Se ham aa allis wos nutwendich zu nern gutn Kuchn war orndlich hie zen Seidl-Bäck gebracht un dr Seidl-Em hat ihne vorsporchn, des do draus e ganz besonnersch guter Kuchn warn tät. Zen Pffingstnunnabnd Vürmittich hat de Mutter zr klenn Anne gesaat, se söll nu den Schlachasch vun Bäck ohuln. Se hat ihrn Maadl is klaane Handwaagl zeracht gemacht, in großn Korb nei gestellt un e großes weißes Tuch mitgabn, dodrmit sollt se den Kuchn hamzu odeckn.

De Anne is lusgestieft, immer den schmoln Faldwag nauf un in Grien Grobn drierer zen Bäck. Ne Bäck sei Fraa hat den schenn Kuchn ganz vürsichtlich neine Korb getaa, nei ne Wagl gestellt un aa mit den weißn Tuch ogedeckt. Nu is mei Annl lusgezugn un den Faldwag wieder nunner gange. Aufn halb Wag hert se auf emol e Getrappl un eh se siech vorsieht, stieht e Pfaar vor ihr un den Wagl. Des Pfaarle hat net lang gefacklt: Des hat des Tuch vun den Korb waggerissn un mit sein großn Maul in Schlachaschkuchn rausgezugn und mit Genuss hinnergewürscht.



Grilln in Vereinshaus - immer wieder schie!



Eine bleede Ieberschrift – mir grilln ja schließlich net im Haus, sonnern draussen in Gartn an dr gutn Luft! Grilln war aagesaat. Do muss eweng Musik har, dacht iech mir. Un wen kennt iech do gelei emol aarufn? Nu unnern Möckel-Ralf, dar ward emende e paar Minutn Zeit ham un mit mir e paar Liedle spieln kenne. De Maad vun Vereinstreff hattn extra wagn uns in ganzn Haufn aufgebaut: Biertischgarniturn, en ganz grußn Brauerei-Sonneschirm

un wunnerschie egedeckt. Dann kame aa schu de Erschtn. De Bedienung hat gemaant, des heit net esu viel Leit zamkumme, weils doch esu sehr warm is un do tätn de ältern Leit net gern nausgieh. Haste gedacht: Ratz-batz war de Bud, also besser gesaat dr Gartn voll un alle eigerichtn Plätz besetzt. Do muß noch e Tischl rausgehult warn un de Stiehl drzu. Un dann kam aa noch rachtzeitich mei Musik. Dr Ralf hat aa noch sei Fraa un sein Gung samt seiner Gitarr mietgebracht. Des war ne Sach: Nu konntn mir unnere arzgebirgschen un aa e paar Volkssliedle mit Akkordijon, zwee Gitarrn un gemeinsame Gesang vürtrogn. Aber des war net allis, was unner Ralf drbei hat, Sekt un Bowle gabs aa noch, weil



ar doch in Juni e halbs Gahrhunnert wurm is! Eingtlich hätten alle a eweng mitsinge kenne, e paar aanzlne ham drwagn schu ab un zu mitgesumt. Unnern Leitn hats bestimmt trotzdem gefallen, wenn se aa wieder drbei viel ze dorzählun un ah ze latschn hattn. Is Neiste aus Eimstock



is nu mol is Wichtigste un des muss unner de Leit gebracht warn! Komischerweis hat ja aa ball jeder irngewos vu weitrn gehert, mr is siech net sicher öbs stimmt, aber is ka ja sei! Des werd hier noch emol braat getrogn un vordicht un wenn genuch Faktn vu alle Seitn zamkumme, dann stimmts emende dach. Noocherts is de liebe Seel beruhicht un dr innere Friedn wieder hargestellt.



Ach ja, is Wichtigste bein Grill-obnd ho iech ball vorgassn ze drwähne: Is gab für Jedn sei Roster un e schiens Stickl Flaasch. Alln hats wieder richtig gut geschmeckt. Un in lust'cher Rund ging dar Obnd viel ze schnell vorbei. Aber des macht ja nicht, mr braucht bein Abschied net ze greine: Bein nächstn erschtn Donnerstich in August sanne mir uns ja alle –also alle, die siech drzu ordlich bein Museums-Chef agemald ham - schu wieder, auf diesmol 4 Kremserwägn samt unnern 4 Kutschern un iech glab - wenn iech richtig geracht hob - dann müsstn uns mindestns 8 Pfaarle ziehe!



Bis dohie!
Bleibt gesund!
Glück Auf, ruft eier Schmidt un dr ganze Vürstand!

